

108

A DESULOPO SU PRIMU CUNCURSU 'E POESIA "MONTANARU"

Desulo ses'in'altu colloccada,
 sutta su gennargentu e brunch'ispina,
 tenes'abba bundante e cristallina,
 s'aria est bona, po grazie Deu,
 laboriosu su populu intreu,
 zent'ozpitale, bona e riservada.

Bona parte la tenes'emigrada,
 guas'in d'onzi part 'e sa Sardigna,
 po faghe menzus vida, bona e digna,
 bind'hat meda in sa zona Iglesiasiente,
 tottu volenterosa cussa zente,
 in sos diversos ramos impegnada.

Chie tribagliad'in sa miniera,
 chie faghed'inie su pastore,
 chie BARRISTA chie albergadore,
 chi negozi e onzi mercanzia,
 chie hat una bella trattoria,
 ma tottu cantos cun bona manera.

Cun s'iniziativa occannu ispera,
 in su cuncursu de sa poesia,
 po mantener'intata vigòria,
 e amentare fizzos de valore,
 Antiogu Casula fit cultore,
 c'onora sa Sardigna tottu intera.

Fit maist' 'e cultura Montanaru,
 dignu d'esser da nois ammentadu,
 ca fama bundanzosa c'hat lassadu,
 a Desulo li faghet tant'onore,
 e tott'impare cun pagh'e amore,
 li demus tesse sa corona 'e laru.

Ateru fizzu, dignu atterettantu,
 chi olvidare non devimus mai,
 mort'in giovin'edade si est Don Lai,
 ma prim'e morre versos hat iscrittu,
 cun d'unu veru sensu iscusitu,
 chi nos lassesi cun su coro agfrantu.

Infine po finire su discursu,
 de sos'errores prego 'e m'iscusare,
 cun su coro bos cherzo salutare,
 augurende tantu, a su cuncursu.

20/9/1992

s i n i e l e
 ARRU ANTONIO
 AUSTIS